

Johann Bacmeister


**Programma In Exequiis ... Dn. M. Johannis Posselii Graecae linguae in hac  
Academia Professoris ...**

Rostochi[i]: Pedanus, 1623

<http://purl.uni-rostock.de/rosdok/ppn755906411>

Druck Freier  Zugang





KL-241(4)<sup>1</sup>

Oldendorp: Warhafftige entschul-  
dinge. Rostock, 1533

wurde aus dem Band gelöst.

Steht bei Rara -

KL-241. (4.) <SON>

bestrahlt 2000

7  
P R O G R A M M A

In Exequijs

CLARISSIMI ET EXCELLENTISSIMI  
VIRI

DN. M. JOHANNIS  
POSSELI

Græcæ linguæ in hac Academia Professo-  
ris eximij & Facultatis Philosophicæ  
SENIORIS,

*Publicè propositum*

RECTORE

IOANNE BACMEISTERO  
Phil. & Med. D. & Prof.



Rostochl

Typis Joachimi Pedani Acad. Typog.

ANNO M. DC. XXIII.

kc. 746

RECTOR  
ACADEMIÆ ROSTO-  
CHIENSIS,

JOANNES  
BACMEISTERUS,  
Philosophiæ & Medic.  
D. & Professor. P.



Uisquis humanam vi-  
tam quocunq; modo ingressus est,  
nihil prius vel utilius cogitare po-  
test, quam de felici egressu: quo  
non tantum ijs malis, quæ copiosis-  
sima & gravissima imminet omni-  
bus in hac vita liberetur, sed ad eo-  
rum, quæ post hanc vitam exspe-  
ctamus bonorum plenam perceptionem ac beatam fruitio-  
nem perveniat. Id ab initio sui in hanc vitam ingressus pie  
ac diligenter fecisse clariss. virum Dn. M. JOHANNEM  
POSSELIUM Græcæ linguæ apud nos Professore bene-  
meritum, ipsa vivendi series ac tela, quam à prima luce exor-  
sus ad extremam usq; pertexuit, luculenter indicat. Cum  
enim anno Christi 1565. die 16. Junij seculo proximè præce-  
denti, paulo post horam 12. meridianam natus esset, ex patre  
Clariss.

Clarissimo & præstantissimo Viro M. JOHANNE POSSE-  
LIO Professore, de Græcis literis & hac Academia, in qua  
illas publicè magno cum fructu & laude docuit, matre vero  
ANNA OLDENBORGIA ex antiquissima hujus civitatis  
OLDENBORGIORUM familia, quæ cum ista matrona  
exstincta fuit, hanc primam felicis vitæ partem sortitus est.  
Licet enim aliena laude gloriari videatur, qui parentes ja-  
ctat, nec de suo quidq; honesti addit, tamen si quis ad laudes  
parentum suæ quoq; virtutis merita adjiciat, plurimum id  
momenti & ad vitæ felicitatem, & ad existimationis glo-  
riam, conferre rectissimè judicatur. Majorum gloria poste-  
ris lumen est, neq; bona neq; mala eorum, in occulto pati-  
tur: Sed posterorum virtus facit, ut majores quoq; non suâ  
tantum beatitudine in vitâ floruisse, sed & post mortem in  
minoribus ea frui existimentur. Quin etiam ipsius anni,  
qui hunc nostrum defunctum terris dedit, ac temporis ratio  
non nihil momenti ad vitæ nostræ meditationem, imò longè  
plurimum afferre videtur. Si enim florentissimarum civi-  
tatum ingentia corpora mutationibus verè fatalibus ita ob-  
noxia sunt, ut paulò momento gravissimos casus experian-  
tur: quid nobis homunculis quolibet somnio, imo umbrâ  
somnia vanioribus expectandum erit? Sed ne ista comme-  
moratio parum jucunda hanc nobis vitæ ac mortis com-  
mentationem interturbet, ad alteram ejus partem venie-  
mus, quæ natum isto anno Dn. POSSELIUM ex infantia  
ad pueritiam, ex cunis ad Museum, à maternis uberibus ad  
parentis curam ac literarum elementa quasi prima incuna-  
bula Musarum traduxit. Ut enim pietatis ac cæterarum  
virtutum semina cum lacte materno hausta erant: ita dein-  
ceps ad majorem cultum & fructum à patre subigi & augeri  
ceperunt. Qui labor fideli ac sollicito parenti sic processit, ut  
hunc, à manu & curâ suâ alumnum ac discipulum filium

vix adolescentem idoneum deprehenderet, qui ad publica  
subsellia Doctorum itare posset, atq; ex illorum ore hauri-  
ret, quæ audientem instruerent, non solum cultu humani-  
tatis & copiâ literarum, sed & medicinæ haut vulgari cog-  
nitione ornarent. Quam ad præceptoribus usus est viris  
per totam Europam longè clarissimis D. HINRICO BRU-  
CÆO, D. LEVINO BATTO, D. MATTHIA FLACIO  
ILLIRICO, quorum ex ore uti assiduè pendeat, ita nun-  
quam nisi doctior ab illis recedebat. Neq; satis id habuit,  
aliquamdiu in hac patriâ Academia sedulo ac diligenter stu-  
duisse: quin ad alias quoq; sibi eundem censuit, ubi præter  
litteras morum quoq; elegantiam ac hominum præcipuè  
doctorum noticiam acquirere sibi posset. Placuit antè alias  
illustris JULIA, quæ est Helmsteti, quæ tum in magno erat  
nomine, ut ne hodie quidem esse desinit, non solum ob Phi-  
losophiæ studium ac Linguarum, quod viri clarissimi tracta-  
bant, sed & Medicinæ in quo præcipui erant D. JACOBUS  
HORSTIUS, qui hunc nostrum filij loco dilexit, eiq; pluri-  
ma artis Medicæ arcana privatim domi suæ communica-  
vit. Neq; deerat ei D. FRANCISCUS PARCOVIUS, D.  
JOHANNES SIGFRIDUS & alij, quorum assiduo & fami-  
liari usu eos in hoc studio progressus fecit, idq; brevi spacio  
temporis, ut summus in arte Medicâ gradus ei Præceptorum  
communi suffragio ac censura illic offerretur. Verum amor  
Philosophiæ ac Linguarum, præsertim Græcæ, potior illi fuit,  
itaq; ei arrisit, ut anno 1587. in patriam Academiam rever-  
sus 3. Id. Octob. à Clariss. & Præstantiss. viro Dn. M. NICO-  
LAO GONLEO sanctæ Linguae Professore summos in Phi-  
losophiâ honores petijt ac impetravit: quorum præter alios,  
habuit competitores viros Clariss. & Excellentiss. honoris  
ergò jure meritoq; nominandos D. JOHANNEM BAC-  
MEISTERUM, hujus Academiae bene meritum Professo-  
rem,

rem, & p. t. Magnificum Rectorem, ac DUNCANUM LID-  
DELIUM Scotum, qui non voce tantum publicâ Philoso-  
phiam & Medicinam, in hac & JULIA Academia ornavit,  
sed & ingenij editis ac doctrinæ monumentis præclarè illu-  
stravit. Hactenus in umbrâ Scholarum defunctus noster  
in discentium loco versatus erat, nisi quod interdum erudi-  
tionis quædam proferret indicia: quæ cum ad Senatus  
FLENSBURGENSIS oculos & aures in HOLSATIAM per-  
venissent, fecerunt, ut hunc suæ Juventuti, quæ tunc Ludi  
literarij Rectorem desiderabat, informandæ præficerent, &  
præficerunt quidem, sed industriâ ac fide ejus in hoc officio  
non diu gaudere potuerunt. Cum enim sequenti anno pa-  
rens ejus vir laudatissimus professionis labores unâ cum  
vitâ deposuisset, hic filius illius, non minus literarum Græ-  
carum, quibus pater abundabat, quàm cæterarum Faculta-  
tum, quas liberis reliquerat, hæres, ut hactenus in studio  
literarum vestigia ejus diligenter observarat, ita in officio  
Professorio successor futurus ad Academiam revocatur. Ita  
ergò, qui ex patre Professore natus hanc primam felicitatis  
partem sortitus est, alteram quoq; institutionis, apud paren-  
tem, qui & poterat ipse eruditissimus, & volebat sine invidiâ  
Præceptor fidelissimus, obtinuit. Sed hoc tertium, quod  
succesit & patri & Præceptori, cum sit rarissimum, eò ma-  
jori in felicitate habendum puto. Quid? quod ipsum patrem  
inperare, atq; ita nomen suum inter eos censerî voluit, qui  
*πατέρος ἀμείνους* & pauci quidem juxta Poëtam inveniuntur.  
Cum enim regendæ pueritiæ artem in Flensburgensi officio  
ostendisset, Amplifis. hujus urbis Senatus Anno 1605. suam  
ei Scholam commisit ac fidem ejus diligentiamq; toto de-  
cennio in hujus muneris functione satis superq; depræhen-  
dit ac probavit. Si quis apud manes defunctorum sensus est,  
de quo Ethnici dubitabant, pater ejus qui solos Academicæ



Professionis labores feliciter sustinuerat, haud dubiè filium  
gratulabundus excipiet, quod non tantum parentis laudem  
Professoriam æquare, sed & hac Scholastici laboris accessio-  
ne superare voluerit. Quartam felicitis vitæ partem reddi-  
dit ei Matrimoniū, quod contraxit cum honestissima virgine  
**Isabe Wedegen** Ampl. viri Dn. JOACHIMMI WEDEGEN  
p. m. Senatoris gravissimi Filiā, expertus enim est id hone-  
stum, fructuosum, jucundum. Honestum fuit, quod ex do-  
mo Senatoria, virginem, præter alias opes, formā ac vir-  
tute dotatam duxit: fructuosum, quod septenario agmine li-  
berorum & quidem masculorū, M. JOHANNIS, JOACHI-  
MI, HENRICI, duorum GEORGIORUM ac duorum  
MARTINORUM ornatam ac munitam domum habuit,


*Στήλη γδ οίκων παῖδες εἰσιν ἄρρενες.*


Jucundum deniq;, quod uxore usus commodissimā, & libe-  
ris gavissus florentibus vitam egerit: nisi quod, ut sunt hu-  
mana, liberorum series aliquantum imminuta sit, cum ex  
istis septem in itinere ad alteram vitam, tres patrem ante-  
cesserint, eiq; suo obitu nonnihil mœroris attulerint: quod  
tamen quatuor adhuc superstites pietatis, virtutis ac bona-  
rum literarum diligenti studio facilè discussserunt. Accessit  
etiam aliud, quod hanc felicitatis partem, non omninò so-  
lidam ac perpetuam defuncto nostro, quippe homini nato  
permisit. Cum enim Scholæ senatoriæ præ fuisset Rector,  
ut commemoravimus, non sine sanitatis insigni dispendio,  
propter curas ac molestias isti loco & officio proprias, Scor-  
buto, ante annos non ita multos correptus est, eoq; gravis-  
simo morbo in hisce locis maximè ob virium aquarum En-  
demio, per aliquot menses lethaliter decubuit. Quod con-  
tumax malum cum bonā diætā tum convenienti pharma-  
cia tunc temporis ab eo feliciter propulsum esset; tamen  
quot-

quotannis sub initium veris & Autumni recrudescere & re-  
cidivam facere visum est, ex malâ viscerum affectione ac  
dispositione ob quam, ubi malum semel vires cepit, vix ra-  
dicitus evelli potest: semina enim quædam relinquuntur,  
quæ Scorbutum singulis annis aut pluribus inter labentibus,  
pro pravi victus ratione, aut mali magnitudine in visceribus  
relicta renovant, non secus quam humorem in vasis parum  
finceris reconditum contrahere vitium animadvertimus.  
Itaq; à Cacochymica Scorbutici humoris eaq; perenni af-  
fluxione, oppresso ac planè prostrato calore nativo omnium  
actionum in homine, cum naturalium, tum vitalium & ani-  
malium opifice, sensim defunctus noster languidior fieri,  
spiritibusq; vividis privari cepit, adeò ut jam per aliquot  
menses, nullâ arte, etiam in lectulo molliori, sani hominis  
in modum calefcere potuerit, appetitu insuper planè pro-  
strato, unde vires omnes detrita, intumescantibus pedibus,  
apposito quidem, sed ad partes non unito alimento, livore  
& quasi mortis imagine apparente in facie interfectâ ac  
planè tremulâ voce, deficiente pulsu cum Syncopis crebris  
in mortis discrimen manifestum tandem incidit. Atq; ita,  
quam ingressus erat, ante annos 58, vita tanquam statione,  
in quam à Deo vitæ autore collocatus fuerat, ejusdem im-  
perio atq; jussu, inter conjugis ac liberorum gemitus ac la-  
crumas vir eruditus ac modestus ipse sine gemitu pie ac  
placidè decessit. Superest ut nos qui viventem amavimus &  
coluimus mortuo quoq; officia debita exhibeamus non so-  
lum ipsius causa, cui nihil ad felicitatem qua fruitur per nos  
accedere potest sed ut nostram viduæ ac liberis relictis con-  
dolentiam testemur, ut nos ipsos conditionibus nostræ in-  
ejus exemplo admoneamus. Id autem optimè fieri potest,  
si exuvias hujus defuncti frequentia nostra ad sepulturam  
deduca-

deducamus ac prosequamur, quod omnes Academia nostrae cives ultro facturos licet non dubitemus, tamen eo magis rogamus, monemus & hortamur Dnn. Professores, Doctores, Ecclesiae Pastores ac ministros, deniq; Nobiliss. ac Studiosiss. juventutem, ut ad exsequias hodie media prima in templo Jacobæo frequentes conveniant, erga Facultatis Philosophicæ Seniozem, collegam amicum ac præceptorem, erga viduam ac liberos marito ac parente jam destitutos affectum suum hac ratione declarent, Deumq; rogent, ut vulneri quod hac viri Clariss. morte corpori Academico inflatum est quam primum & quam solidissime medicinam convenientem afferat, ipsamque Academiam ab omni infortunio tueatur ac defendat. P. P. Rostochij die 22. Junij, Anno 1623.














the scale towards document



Quidem diversæ passim Philosophiæ  
 circumferuntur descriptiones, quas  
 singulas, & recensere, longum; & ad  
 rationis, in præsentiarum, libellam re-  
 vocare, tædiosum foret. Antiquissi-  
 mam ego primâ facio: tanquã à Philo-  
 sophorū, quos habemus, Primate la-  
 tã, omniumque, rectè philosophanti-  
 um, calculò, hactenus approbatã Pla-  
 tonis ea est, digna profectò Authore,  
 abus tantum voculis, **MEDITATIONE**, puta,  
 utatur. Censebat Divinus ille Vir, tantò nos eva-  
 des, quantò vivaciùs consideremus mortem. Ne-  
 ipso falsus est, cùm, quodcunque in Philoso-  
 , circa mortis meditationem reperiamus. Mor-  
 , quæ rectam vivendi rationem monstrat, atque  
 it, quales esse in morte desideramus. Ea, animum  
 quæ à verò nos abducere, aut aliquam, nomini  
 m notam inurere possunt. Ea est, quæ do-  
 , timorem pellit, tranquillitatem inducit;  
 s casuum animum varietates firmat, adversus  
 reddit, quando omnia ab eodem impedi-  
 tantò paratior sit, sicubi res exiget, statim  
 quando est faciendum, statim exire, quo ali-  
 ndum, tabernaculo suo. Quæ enim ista mort-  
 st, aut socordia, cùm cognati simus DEO, cùm  
 terris animal, præter hominem, cognitione.

DE